

այժմ ոչ դամբ․ դարձեալ հրաւիրեաց զնոսա Դատաւորն, թէ չեղեւ ինչ խայտառակութիւն և չլինի․ սադէն դարին պատմական բանք Դիոնէսիոս վարդապետի։ Այլ Դատաւորն ՚ի ժողովի անդ արար քննութիւն մանրամասն ամենայն իրաւանցն Հայոց թէ վասն սեան Ս․ Յարութեան, և թէ վասն բաժանորդութեան Բեթղէհէմի, վասն արգիլելոյ զաւելն Հայոց յԱյրէ անտի ըստ տրամադրութեան Կայսերական հրովարտակաց և գործադրութեանց նոցին ՚ի ձեռն պաշտօնէից և ըստ վկայելոյ բազմութեան այլազգեաց, և գրեալ ծանոց ՚ի Դուռն զի հրովարտակաւ բարձցի ընդդիմութիւն և ատելութիւն Լատինաց, 1729 ՚ի 10 Զիւլիսճճէ, (1814)։ Գտին Լատինք զայլ իմն առիթ ատելութեան, զի փակեալ աղխեցին զհիւսիսային պղնձի դուռն Այրին Ծննդեան, որ յատկացեալ էր Հայոց, զի մի իջցեն յԱյրն կատարել զպաշտամունս իւրեանց։ Եւ զկնի պատուիրելոյ Դատաւորին եւ բանալոյ զդուռն, գրեաց առ Տէրութիւնն և վասն այսր, որպէս ծանուցեալ էին Հայք, զի հրամանաւ Արքայի մնացէ բաց դուռն մըշտընջենաւոր ՚ի դիւրութիւն Հայոց, (յ՞ Զիւլիսճճէի)։

Կոտորած ժանտախտի ՚ի կողմանս Զմիւռնիոյ և Ադրիանուպօլսոյ (՚ի 18 Մայիսի)։ Կայսերք Ռուսիոյ և Գերմանիոյ և զօրապետն Անգղիոյ եւ այլք կալան զՆաբոլիոն Պօնաբարդ և աքսորեցին զնա ՚ի կղզին Ս․ Հեղինէ, անջատեալ ՚ի նմանէ զկին և զորդին իւր, և եղին յաթոթաքաւորութեան Գաղլիոյ զԼուի 18րդ, եւ ՚ի Կոստանդինուպօլիս ՚ի Պէյ օղլու բարձին զղինադրոյժ նորին ՚ի պալատէ Դեսպանին Գաղլիոյ, և ՚ի տեղի նորա եղին զնշան նոր թագաւորին մեծ հանդիսիւ եւ ուրախութեամբ, (1814․ յ7 Մայիսի)։

— (25 26 27) —